



Tužilaštvo - Tužiteljstvo Bosne i

Hercegovine

Тужилаштво Босне и Херцеговине

Broj: T20 0 KT 0023047 22

Sarajevo, 03.09.2025. godine

**SUD BOSNE I HERCEGOVINE
SARAJEVO****- Sudiji za prethodno saslušanje -**

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) *p o d i ž e m*:

OPTUŽNICU**Protiv:**

ARMIN BEGOVIĆ, rođen 1997. godine u Dongeradeel, Kraljevina Holandija, državljanin BiH i Kraljevine Holandije.

Što je:

1. Tokom mjeseca septembra i oktobra 2022. godine, na njemu poznati način i od njemu poznatog lica, s ciljem sticanja protivpravne imovinske koristi, a radi dalje prodaje, iz Sjedinjenih Američkih Država (SAD) naručivao opojnu drogu Cannabis, koja opojna droga je Konvencijom o psihopatskim supstancama iz 1971. godine i Popisom opojnih droga psihotropnih tvari, biljaka iz kojih se može dobiti opojna droga i prekursora („Službeni glasnik BiH“, broj: 08/06, 103/08 i 51/11) proglašena opojnom drogom i čiji promet se može obavljati samo na temelju dozvole nadležnog organa izdate na osnovu Zakona o sprečavanju i suzbijanju zloupotrebe opojnih droga BiH („Službeni glasnik BiH“, broj: 08/06, 103/08 i 51/11), svjestan da nema odobrenje za nabavku takvih materija i da je nabavka i prodaja istih zabranjena, a što je i htio, pa je tako naručena opojna droga Cannabis u količini od 410,052 grama, a za koju je Armin Begović platio iznos u bitcoin valuti u vrijednosti od 2.000,00 EURa, dana 21.10.2022. godine iz SAD-a stigla u Bosnu i Hercegovinu putem brze pošte „(...)“, upakovana u paket broj: ..., da bi dana 28.10.2022. godine navedenu pošiljku preuzeo Armin Begović, istu otvorio u stanu na adresi ..., Brčko distrikt, ubacio u ruksak i pozvao taxi, kako bi istu sakrio na njemu poznatoj adresi, kojom prilikom je lišen slobode od strane Granične policije BiH, te je kod istog

pronađena opojna droga Cannabis koja sadrži psihoaktivnu komponentu THC u udjelu većem od zakonom definisanog,

2. Dana 28.10.2022. godine na području Brčko distrikta, u stanu koji koristi na adresi ..., suprotno članu 4. stav 1. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 08/06, 103/08 i 51/11), s ciljem pribavljanja protivpravne imovinske koristi, iako je bio svjestan i znao da je zabranjena neovlaštena prodaja opojnih droga i držanje radi dalje prodaje ali htijući to, na njemu poznat način i od njemu poznatih osoba neovlašteno nabavio supstance proglašene opojnom drogom i to 27 kutija naziva Ksalol u crveno-plavoj ambalaži svaka sa sadržajem dva blister pakovanja od po 15 tableta (svaka kutija sadrži 30 tableta) i 60 kutija naziva Ksalol u bijelo-plavoj ambalaži svaka sa sadržajem dva blister pakovanja od po 15 tableta (svaka kutija sadrži 30 tableta), a koja svaka tableta sadrži psihoaktivnu komponentu alprazolam koja se nalazi na Popisu opojnih droga, psihotropnih materija, biljaka iz kojih se može dobiti opojna droga i prekursora Zakona o sprječavanju i suzbijanju zloupotrebe opojnih droga („Službeni glasnik BiH“, broj: 8/06, 103/08 i 51/11).

Dakle, pod tačkom 1. optužnice u neovlaštenom međunarodnom prometu radi dalje prodaje kupio i držao materije propisom proglašene opojnim drogama, a pod tačkom 2. neovlašteno radi prodaje držao supstance proglašene opojnim drogama,

Čime bi, pod tačkom 1. počinio krivično djelo Neovlašteni promet opojnim drogama iz člana 195. stav 1. Krivičnog zakona Bosne i Hercegovine, a pod tačkom 2. krivično djelo Neovlaštena proizvodnja i stavljanje u promet opojnih droga iz člana 232. stav 1. Krivičnog zakona Brčko distrikta BiH.

TUŽILAC
TUŽILAŠTVA BOSNE i HERCEGOVINE